

Mientras ayer Fiscal Mayor a tende Jan de Ruyter

MINISTER PAUL CROES A ENTREGA DENUNCIA CONTRA E CONSTANTE INSULTONAN DI JAN DE RUYTER



JAN de Ruyter, kende ultimo tempo ta bin ta scirbi pa Solo di Pueblo, y ta bin ta insulta tur Minister na su antocho, ayera mainta a ser cita pa Fiscal Mayor na Ministerio Publico.

Di acuerdo cu vocero di Ministerio Publico, tabata un reunion informativo, unda Fiscal Mayor a reuni cu Jan de Ruyter, relaciona cu e denuncia cu el a entrega contra di Minister Otmar Oduber.

Algun dia pasa, Jan de Ruyter den un carta na Ministerio Publico tabata kier sa con leu su denuncia ta, si Ministerio Publico ta investigando of no.

Mas ainda, el a duna di conoce di por sostene tur su ponencianan cu prueba. Esey tabata meta di e encuentro di ayera mainta, cu di acuerdo cu Ministerio Publico a tuma lugar den un ambiente masha ameno.

Manera menciona, e tabata un encuentro informativo y awor cu a haya e informacion adicional aki, e lo ser poni hunto cu e denuncia di Jan de Ruyter, unda Ministerio Publico mester bay determina si tin motibo pa persigui Minister Otmar Oduber, manera de Ruyter ta demanda. No ta conoci, pa ki dia por spera un decision, pasobra di otro banda lo mester tende e propio Minister Otmar Oduber tambe..

Pero mientrastanto nos di AWEMainta a haya sa cu Minister Paul Croes, tambe a bisa cu ta basta cu e constante insinuacionnan baho di Jan de Ruyter, kende a dicidi di acus'e di ta corrupto, ladron, etc. y hunto cune tambe Minister Michelle Hooyboer-Winklaar. Minister Paul Croes no kier bay den detayes di e denuncia haci, pero a confirma cu el a entrega un keho oficial na Ministerio Publico.

Mester pone un punto final n'e abuso aki, di e.o. un persona cu ta conoci pa su halamento di cocaina.

**Di acuerdo cu esnan den e boto cu kier a
drenta Aruba ilegalmente**

UN DI NAN AMIGO, UN PERUANO A DISPARCE

Your address for the best software and support.

VCC
International NV

- ✓ Accounting Software
- ✓ Payroll Software
- ✓ Document Management
- ✓ HRM / CRM Software

M-Files **Exact software** **Payroll Pro** **Commence**

Tel.: 583-7072 | info@vcc-int.com | www.vcc-int.com

AWOR ta resulta cu den e grupo di 9 persona cu kier a dreña Aruba ilegalmente diarazon ultimo, tin 2 mas, cu polis no a logra detene, pero loke ta mas tristo, cu un Peruano, kende tambe a forma parti di e grupo aki, a disparce.

For di investigacion haci, esnan cu ta deteni ta kere cu e lo a hoga den laman banda di Santana Cacho den Seroe Colorado. T'asina cu un boto a trece e grupo aki di 12 persona, pero ora cu nan a kere ta hopi serca di tera, e capitan a bisa nan pa bula na awa y landa pa yega tera.

E capitan no kier a yega mas serca di canto, pasobra e sa e consecuencia si e wordo deteni.

E grupo di 12 personanan aki, 9 Guardacosta den combinacion cu Polis a logra di gara, y 2 a logra di huy sin sa unda nan ta. Mesun grupo aki a laga sa cu un di nan, esta un Peruano si no a yega tera y nan ta kere cu e lo a hoga.

Tempo lo por confirma si esaki t'e caso, pero esaki esnan cu kier dreña Aruba ilegalmente ta paga p'e.

Gerard van de Wulp, Representante saliente di Hulanda

Apesar di un año difícil, e tin reconocimiento grandi pa Prome Minister Mike Eman y pa Gobernador Freddy Refunjol

REPRESENTANTE di Gobierno Hulandes p'e islanan di Aruba, Corsou y St. Maarten, sr. Gerard van de Wulp despues di 3 aña y mei, ta baha cu un pensioen bon mereci. Despues di 46 aña di servicio gubernamental, sigur e ta na su lugar.

Manera Gerard van de Wulp mes a declara, den su prome aña di pensioen, el a tuma decision pa no haci nada, pero despues e lo evalua pa haci tog algo. Kico e lo ta,

esey e no sa ainda.

Tabata diarazon anochi, VNO a organisa un recepcion di despedida, y tambe pa yama bon-bini na Jan Henk Brons, kende lo bira e representante nobo di VNO pa Aruba, Corsou y St. Maarten.

Presente n'e ocasion special aki na Windows, nos por a mira Goberna-

dor Freddy Refunjol, Presidente di Raad van Advies, miembro di Algemene Rekenkamer y unico Minister drs. Paul Croes y Presidente y algun miembro di Parlamento.

Den declaracion haci na AWEMainta, Gerard van de Wulp a conta cu ser representante di Hulanda n'e islanan aki nifica cuida interes di Hulanda n'e islanan aki.

Y sigur un di su tareanan ta, pa promociona un relacion mas estrecho entre e paisnan cu ta forma Reino Hulandes.

Su experiencia ta, cu berdad e islanan aki ta mucho mas chiquito di loke Hulanda mes ta, pero cu cada pueblo ta desea lo mihor pa nan pais.

E islanan aki tin relacion historico cu Hulanda, pero tambe tin un relacion di famia, cu a crece mas y mas, dor mas hende di West ta muda y forma famia na Hulanda y asina tambe e Hulandesnan tambe ta muda p'e islanan aki.

"Laga nos saca probecho di esaki. No tin motibo pa acusa otro, pero forma un union pa bienestar di cada un di e paisnan aki", Gerard van de Wulp a laga sa.

"Pesey e interes di e islanan aki, ta mas importante pa sigui fomenta un mihor relacion den Reino Hulandes.

Mi a purba di haci esaki, durante mi 3 aña y mei n'e islanan aki y mi a logra na algun ocasion".

Gerard van de Wulp a admiti cu aña pasa a surgi un diferencia di opinion grandi entre Aruba y Hulanda, pa loke ta maneho di finanza di Aruba cu a bay malo, y esaki a causa e relacion cu Hulanda y Aruba a dal duro den otro. Tur esaki, pasobra e interpretacion di Reino tabata otro cu esun di Gobierno di Aruba.

Hulanda tabata di opinion cu Aruba a bin ta haciendo mucho debe y Hulanda tin derecho di adverti Gobierno di Aruba p'esaki pa evita cu un parti den Reino Hulandes ser declara bancarota.

Despues di interpretacion di IMF, pero tambe di expertonan Hulandes, a pone cu Aruba y Hulanda ta papiando atrobe, pa determina ki medida tuma pa sanea e situacion financiero di Aruba, pa drecha e economia di Aruba y pone crece atrobe.

Gerard van de Wulp a duna di conoce cu apesar di e problema cu a surgi aña pasa, e kier expresa su respet pa tur politico di Aruba y sigur pa Prome Minister Mike Eman, kende a sa di mobilisa tur cos na su alcance, pa evita un ruptura den e bon relacion entre Hulanda y Aruba.

Tambe van de Wulp tin reconocimiento tambe pa Gobernador Refunjol, kende a sa di suporta tur e momentonan dificil aki, unda na su opinion Gobernador a hay'e ta tuma algun decision cu tabata necesario.





EDITORIAL

Directiva di AVB a desmantela un ekipo solido pa crea un U-20 inefectivo

Pa: Victor (Toko) Winklaar

SELECCION U-20 a percura pa un gran sorpresa pa futbol di Aruba, ora cu aña pasa e ekipo a logra di clasifica p'e buelta eliminatorio pa Mundial U-20 cu a ser hunga e siman aki na Jamaica. Den su di tres y ultimo compromiso, e seleccion di Aruba a perde cu anotacion grandi di 8-0 contra di un seleccion di Merca cu sigur no tabata nada impresionante. Den tres wega hunga, e seleccion U-20 di Aruba a logra di anota un solo gol, mientras cu el a ricibi un total di 17 gol contra cu ta bira un averahe di casi 6 gol pa wega cu sin duda no ta un bon resultado.

Loke a sorprende tur hende aki na Aruba, no t'e tres derotanan, pero con AVB a dicidi di "desmantela" un grupo di hoben cu a custumbra di hunga cu otro pa logra e clasificacion historico aki, pensando cu e ekipo lo bira mas duro cu algun "refuerso" di hungadornan bibando of studiando na Hulanda.

Un decision cu sin duda a destabilisa un ekipo cu tabatin algun luna caba hunto y cu a logra resultadonan 'grandi' den e fase di clasificacion p'e torneo decisivo aki. Sin cay den discusion riba motibo di salida di e dos Directornan Tecnico di e seleccion cu a logra su clasificacion, esta Veron Albertsz y Sambo, ta keda un misterio dicon a dicidi di crea un "invasion" di supuesto refuerso cu a lo largo no a resulta di a duna e seleccion nacional un empuhe den e bon direccion.

Riba e particularidad aki lo tabata bon pa AVB a laga e mesun grupo di hoben cu a traha y lucha pa hiba e seleccion te n'e torneo di Jamaica, pa nan sigui pasa den e experiencia, gana conocimiento di un torneo grandi p'asina den futuro nan por carga kisas un seleccion mas grandi.

Loke AVB a logra awor ta di kibra un ekipo cu tabatin perspectiva, pone e muchanan perde un etapa mas importante den nan formacion como futbolista y awor ta pone cu mester cuminsa completamente di nobo cu henter e proceso aki.

No ta for di awor por bisa cu tanto e actual Directiva di AVB

como esun anterior, ta bibando cu e ilusion, of mihor bisa, ta soñando na imita un proceso cu ta tumando lugar den otro paisnan caminda futbol profesional ta domina. Paisnan grandi manera Hulanda, Italia, Inglatera, Brasil y hopi otro mas, ta reforsa nan seleccion cu hungadornan cu ta milita den ekiponan grandi y den otro paisnan, loke sin duda no ta rekeri ningun proceso di adaptacion of formacion, ya cu riba nivel mundial y den e paisnan aki, futbolistanan cu ta hunga den otro paisnan, ya ta forma y por compronde loke ta rekeri di nan y pa nan adapta den un seleccion no ta problema.

Dirigentenan di futbol aki na Aruba mester stop di imita, mester stop di soña cu e locura aki di busca hungadornan cu ta bibando na Hulanda, ya cu n'e momentonan aki, Aruba no tin hungadornan na Hulanda of cualkier otro pais, cu ta hungando riba un nivel caminda nan por bin duna cualkier seleccion di nos pais, un empuhe significativo den cualkier torneo internacional.

AVB a benta, si benta ya cu no por califica esaki di otro forma, hopi placa afo cu por a wordo inverti den nos propio hungadornan aki na Aruba, dor di busca refuersonan for di Hulanda cu no a aporta algo pa loke nan a costa e federacion nacional di futbol. Ta un estilo di soña lanta, esta di crea un fantasia cu no ta existi pa nos futbol y tanto p'e seleccion grandi den pasado, como awor cu e seleccion U-20, a bolbe keda demostra cu e pensamiento, e ilusion aki, no ta existi y no por funciona pa futbol di Aruba.

Den un comentario un biaha pa Mundial di Futbol 2014, e conocido Doc Williams a yega di haci un observacion na canal di television Tele-Aruba ora cu el a bisa: "Loke futbol riba nivel nacional di Aruba tin mester, ta remedi di tera local."

Aki Doc Williams a insisti cu AVB mester cuminsa nan reconoce y respeta y hasta duna honor na su propio yunan di tera cu tin experiencia riba maneho di ekiponan den futbol di nos pais, na lugar di sigui insisti pa busca hendenan for di Hulanda cu for di Siglo pasa ta bin Aruba, pero tampoco ta haci e diferencia cu nos hungadornan.

E cultura di futbol aki na Aruba ta rekeri un otro acercamento, ta rekeri un otro trato cu e cultura di futbol Hulandes, y mientras cu AVB ta organisando diferente curso riba un nivel halto, uzando e vision Hulandes di KNVB, mester yega e momento caminda tin cu sinta cu hendenan di Aruba cu tin experiencia, y hinca un plan den otro con ta bay atende cu e tipo di asuntonan aki.

E resultado di U-20 na Jamaica aki, tin cu bay riba responsabilidad di AVB c'un biaha mas a opta ya kere den un maneho cu nunca a traha pa nos futbol.

AVB a yega di paga hopi placa na entrenador Argentino, Brasileiro, varios Hulandes y awor un biaha mas a purba c'un Hulandes y un yiu di Corsou caminda atrobe e resultado a keda leu di loke tur hende tabata desea.

Ora cu mira y analisa e ultimo wega di seleccion di Aruba contra di Merca cu a wordo pasa na television, por a mira cantidad di fayon den e seleccion, detayenan cu no a traha riba, un mal coordinacion entre e diferente seccion di e ekipo, cu ta bolbe confirma cu e decision di desmantela e seleccion anterior cu a logra e clasificacion, tabata e decision di mas malo cu a wordo tuma hamas.



Jan Henk Brons, t'e representante nobo di Hulanda



Dreaming of a vacation ?
Walt Disney World
 JULY 11-21 - 2015

- MAGIC KINGDOM
- DISNEY HOLLYWOOD STUDIOS
- SEA WORLD
- UNIVERSAL STUDIOS
- ISLAND OF ADVENTURE



Walt Disney World.
Where dreams come true

ALDO
 Travel Bureau Inc.
 Tel: 582-1992

fun miles
fun within your reach!

DURANTE un recepcion diarazon ultimo na Windows, e invitadonan a haya oportunidad pa tuma despedida di Gerard van de Wups, kende a baha cu pensioen y pa yama bon bini na su sucesor, Jan Henk Brons, kende manera e mes a duna di conoce, a yega diasabra ultimo Aruba.

E lo ta na Caribe Hulandes pa un periodo di por lo menos 3 aña, y si mira e cantidad di invitado presente, e por conclui cu sigur e ta bon bini.

E lo sigui cu e bon trabao cu sr. Gerard van de Wulp a bin ta haci, e.o. di promociona un relacion mas fuerte entre e paisnan aki y cu pais madre, esta Hulanda.

Tur esaki na bienestar di cada un di e paisnan aki. No ta keda nos nada otro di desea Jan Henk Brons, tur clase di exito y cu e sa di logra su metanan pa cu Aruba, Corsou y St. Maarten.

Parlamentario Marlon Sneek ta puntra; **Ki dia lider di MEP ta bay stop di gaña y purba di ta un poco integro?**

POR a tuma nota con siman pasa
fraccion di MEP a bolbe ansa un


mentira den nan comunicado in-
dicando cu durante e reunionnan

di IPKO a conclui cu Gobernador
a actua corecto encuanto e presu-

puesto 2014 juni ultimo. Aki por
deduci y conclui claramente cu

hamas e persona, esta e lider di
fraccion di MEP, sta Evelyn Wever
Croes hamas lo por asumi un en-
cargu di presidente di e comision
di integridad y pa locual ta encera
e reunionnan entre paisnan den
Reino. Ta importante cu ora ta
trata di integridad y principal-
mente e persona cu ta presidi un
tema asina cu ta di vital importan-
cia, sigur mester ta un persona cu
no sin mas ta lansa mentira den
laira cu e unico meta pa confundi
su mesun votadonan y pueblo en
general.


Mester remarca cu durante e re-
unionnan interparlamentario di
Reino a keda conclui cu e actua-
cion di Gobernador y Gobierno
di Reino no tawata corecto y tapa
e motibo aki lo continua cu e tema
aki den e proximo reunionnan den
luna di mei proximo cu lo tuma
luga na Hulanda. Mester remarca
cu hasta e miembro independiente
di hermana isla Corsou, sr. Glenn
Sulvaran a accentua esaki den
un entrevista amplio duna aki na
Aruba, indicando cu Gobierno
di Reino Hulandes a hasi uzo di
articulo 43 inciso 2 di nos Statuto
di Reino a la estilo estafette...
kiermen ora ta cumbin inna ta
hasi uzo di e articulo aki sin mas.
Y esaki no porf. Mi tin e convic-
cion cu e lider di MEP, sta Evelyn y
demas miembronan di su fraccion
cu ta yama nan mes "huristanan"
sa esaki pero pa probecho par-
tidista ta troce e realidad y ta
trese confusion den pueblo y ta
lansa mentirananan manera ta nan
cumber, o mehor dicho e "mo-
dus operandi" di partido MEP. Si
pa esnan cu ta kere cu e asunto
en cuanto nengamento di firma e
presupuesto di pais Aruba ye deci-
sion di Gobierno di Reino pa cu e
aanwijzing por medio di un KB a
keda pa historia, ta bon ekiboka.
Tempo lo muestra riba e eror grandi
aki cu a keda cometi pa locual ta
encera Aruba su autonomia finan-
ciero y na unda prome minister
di nos pais a haci sacrificionan y
pone su salud na peliger pa asina
muestra mundo riba e violacion
aki. Y di otro banda pueblo por a
wak esun cu semper cu a y ta
grita cu nan ta esun cu ta defende
autonomia di nos pais y nos Status
Aparte, a gewoon hala un banda
y hasta cuminsa cu accionnan di
firma pa Hulanda mete den nos
asunto nan autonomo.




NISSAN

Innovation
that excites


CLASS-DEFYING CLASS
THE NISSAN SENTRA




Starting from
Afl 44.300,-
excl. BBO



It's big, it's roomy, and it features a lower, aerodynamic body that widens at the fenders for a striking broad-shouldered look. Together with finishing touches usually reserved for luxury vehicles, Sentra's transformation is nothing short of class-defying. **Nissan. Innovation that excites**



TOPCAR

Caya Ernesto Petronia 21 • Tel: 582-1547 • Fax: 582-9877
www.nissan.aw • 

Director di ATIA Igmar Reyes: "Solidaridad tin su limite"



DIABIERNNA ultimo su excelencia Gobernador a tene su recepcion na Radisson Hotel caminda e la tene su charla anual. Na final di su charla e la refleha riba e termino "solidaridad" y con esaki a manifesta su mes na 1986 ora Aruba tabata den un crisis financiero y a logra a la bes haya su status aparte. Tur instancianan y ciudadanonan a traha hunto den bon y den

malo. A sa di comparti e mesun vision. Pero kico solidaridad ta encera? Siguiientemente ATIA lo comparti su idea. Na prome luga ATIA representando comercio no tin nada contra solidaridad, pero solidaridad tin su limite. Nos a yega e punto cu comercio (y sobra di pueblo) financieramente no por sigui carga mas peso. Pesey gobierno mester por cuminsa

promove mas responsabilidad propio. "No puntra kico gobierno lo por haci pa bo, sino kico a bo – como ciudadano – por haci pa bo pais". Asina na januari 1961 ex-presidente di Merca, esta J.F. Kennedy a reta su habitantenan pa contribui na beneficio di e pueblo. Solidaridad conoce varios forma, pero den e relato aki ta referi na e sentimento di unidad

basa riba metanan / interesnan comun, y cu mester por yuda otro. E palabra solidaridad ta bini di latijns *solidum*, cu ta significa totalidad. Esun cu ta solidario cu otro, ta worry pa e bienestar di e otro y ta dispuesto pa yuda ora di necesidad. Na 1985 Aruba a conoce un "solidariteitsbelasting" caminda esun cu entrada mas halto a paga mas impuesto na fabor di esun cu ta gana menos. Medidanan pa genera mas placa pa gobierno tabata necesario. No tabata facil pero tur hende a contribui, es mas tur habitante tabata comparti e mesun vision, cual tabata "nos status aparte, nos autonomia". Solidaridad ta forma parti di nos sociedad pa medio di e sistema di seguridad social manera onderstand, AZV, AOV y kindertoelage. Esaki ta un escogencia di sostene esunnan mas vulnerabel den comunidad y garantiza calidad di bida aceptabel pa un y tur. Solidaridad conoce un limite. Desde 2008 Aruba conoce un crisis financiero y ainda no a sali ful for di dje. ATIA ta premira hopi reto pa e aña aki y ta comparti e idea cu solidaridad por contribui na un resultado positivo.

Pero ATIA ta cuestiona si solidaridad mester cubri riesgo cu ta (parcialmente) consecuencia di un escogencia propio? Ehem-pel di cierto escogencianan ta: malesa como consecuencia di biba un bida no saludabel; desempleo como consecuencia di no a inverti den mesun habilidadnan, etc.

Hopi biaha tin e tendencia pa warda wak kico gobierno por haci pa nos en bes di wak con un por yuda su mes. Solidaridad ta parece di cuminsa perde su esencia ora ciudadanonan cuminsa focus mas riba nan

derecho en bes di nan obligacion. E pregunta ta keda unda ta trek e liña fini entre responsabilidad di gobierno y responsabilidad propio. Esaki ta bira visibel ora un economia ta bay menos bon. Realidad ta cu solidaridad mester por keda pagabel y realistico. Na Aruba nos seguro general medico a bira impagabel; ciudadanonan den onderstand a crece enorme ultimo añanan, pero dicon? A yega tempo pa gobierno pone condicionnan fuerte y consistente na nos sistemanan social mirando cu tin mal uzo. Claro esunnan cu no por traha pa falta di algo cu ta cay fuera di nan alcance mester por haya ayudo (p.e. personanan cu limitacion). Bisando esey ATIA por elogia personanan cu a pesar di tin limitacion, toch ta asumi nan responsabilidad propio y ta forma parti di nos forza laboral. Por ultimo no por keda sin menciona cu responsabilidad propio mester conta pa gobernantenan tambe. Solidaridad no ta significa tuma hende riba payroll di gobierno pa evita desempleo subi of pa recompensa esunnan cu a core campaña. Nunca lo por baha e gasto di nos aparato gubernamental si gobernantenan di nan banda no ta baha gasto di personal. No por ta asina cu comercio y sobra di Aruba mester ta solidario y haci sacrificio pa otro, siendo pa gobernantenan mes esaki no ta aplicabel. Un meta y vision comun ta haci di falta, di cual gobernantenan y oposicion ta culpabel. ATIA ta spera cu pronto e accionnan necesario wordo tuma, manteniendo asina nos autonomia. Solamente di e manera aki lo por comparti e sentimento di unidad basa riba metanan y interesnan comun na bienestar di nos pais.

Profit+

Complete business software including **AFAS Online**

From **AWG 250,-** monthly

AFAS software Financial - HRM - Payroll - CRM - Projects - Logistics

Telephone +297 583 8919 of +297 738 0002 caribbean.afas.com



Avenida Milo J. Croes # 118 - A
tel: 5883948, fax: 5883945,
Dilanti Flora Market na Dakota,
Horario: 8.30AM-5.30PM (nonstop)
email: doorhandle@setarnet.aw

Panic pushbars - doorclosers - securitystrips - swinghinges
- securitylocks - dovespikes - spantapalomba y mucho mas.

Den temporada di carnaval, evita ladronnan den bo propiedad, pasa na TDH, pa tur bo locknan di seguridad.



Minister Paul Croes na ocasion special;

11 inspector di labor a ricibi nan Landsbesluit

"INSPECCION di Labor ta keda un di e departamentonan di mas importante pa control di nos leynan laboral. Cambio di leynan ta importante, pero mas importante ta e control pa e implementacion y cumplimiento di esakinan", tabata palabranan di Minister di Labor drs. Paul Croes na ocasion di e otorgamento di e landsbesluiten na cada uno di e inspectornan. Despues di aña pasa diferente leynan a keda cambia na beneficio di trahadonan y control riba esakinan ta crucial.

Arbeidsinspectie ta e instancia cu mester percura cu na momento cu dunadonan di trabao no ta cumpli cu e derechonan di trahado, por sanciona esaki. "Multanan por subi te cu un maximo di 250.000 florin si constata falta di cumplimiento cu leynan laboral. Si constata cu tin mas cu un overtreding esaki por ta cumulativo. Pesei ta importante pa tur hende ta na altura di e leynan, y con nan mester wordo implementa. Esaki tambe ta un tarea di e departamento di Labor, pa informa comunidad corectamente riba cambio di e leynan laboral", Minister Croes a bisa. Minister a gradici Inspectie pa e trabounan importante cu nan a hasi durante e ultimo añanan y e tin sigur cu nan lo sigui garantisa e respet pa e derecho di e trahado. "Cumplimento di leynan lo significa cu e trahador ta sintie mas sigur ora ta salvaguardia su derechonan. Un trahado feliz ta un trahado cu lo ta mas productivo finalmente", Minister a conclui.



Profesionalnan di RBC Royal Bank™

Haci bo bida mas facil den bo buskeda pa un hipoteca cu conseho profesional di RBC!

Ricibi
ademas un
Visa Classic
Credit Card
di US\$1000!

Compra of construccion di bo prome cas ta un paso exitante y significativo. Puntra pa nos Hipoteca of "Home Equity Loan" cu interes super atractivo di 6.95% APR y descuento riba Seguro di Candela.

Nos profesionalnan semper ta cla pa dunabo conseho y guia profesional cu ta yudabo durante full e proceso aki.

Yama nos RBC Service Line na 588.01.01 pa mas informacion, bishita bo branch preferi of subi riba nos website rbc.com/caribbean

E interes efectivo di Hipoteca of Home Equity Loan despues di campaña ta bira 7.75% APR p.a. | Pa Hipoteca ta obligatorio pa sera un Seguro di Candela na nomber di RBC Royal Bank (Aruba) N.V. | Gastonan di Seguro di Candela ta basa riba e balor di e cas | Gastonan di administracion ta equivalente na 1.5% di e balor di e prestamo cu'n minimo di Afl. 500 | Den caso di cancelacion di e prestamo mester notifica RBC Royal Bank (Aruba) N.V. por escrito un minimo di 3 luna adelanta | RBC Royal Bank (Aruba) N.V. ta reserva su derecho di aprobacion | Condicionnan general lo keda aplicabel | E oferta aki ta valido te cu dia 27 di februario, 2015.

© 2015. Todos los derechos reservados. RBC Royal Bank of Canada. Usado con licencia.



RBC Royal Bank



DEAL OF THE WEEK

TOILET IN BOX ACUARIO

Blanco

Set ta inclui:

- Tanci toilet, bowl y bril
- Toilet compacto cu un look strak y moderno

**MEGA
BUY!**

199.⁹⁹
149.⁹⁹

of 6000 Fun Miles



Valido di diabierna 16 di Januari te/cu diaweb 22 di Januari 2015, tanten cu tin den stock.



Kooyman Megastore Aruba Av. E. J. (Watty) Vos 20 •
Dialuna - Diasabra: 7am - 6pm • Diadomingo 9am - 1pm •
www.kooymanbv.com • [facebook.com/kooyman.megastore.aruba](https://www.facebook.com/kooyman.megastore.aruba)

Casonan hudicial cu lo haya atención den Corte di Prome Instancia awe

Orario; 8:15

Sospechoso; K.Z.v.L.

Acto Castigabel;

Pro forma. V.L. ta wordo acusa di posesion di un arma di candela den e periodo di 9 di maart 2014 te 24 di september 2014. E ta wordo acusa di a intencionalmente maltrata un persona riba 9 di maart 2014, dor di dal e vario biaha cu mokete den cara. E ta wordo acusa di a menaza e mes persona aki cu morto y/of maltrato rond di 25 di juli 2014, dor di mande mensahe(nan) menazante via Facebook, cu ta bisa: "Caya lo sona. Y mas, papia flat, abo ta next, no laga mi wak bo, mi wak ta on, paso tira mi ta tira, caya lo sona" y/of via Whatsapp, cu ta bisa: "Pasobra mi tin mi armanan cla aki. Aki nada di papia, anto no tin. Ami tin" y "Pero un hende ta bay muri si" y/of plaatjenan di arma di candela.

Orario; 8:30

Sospechoso; R.G.S.J.

Acto Castigabel;

S.J. ta wordo acusa di posesion di cocaina y marihuana riba 29 di november 2013. E ta wordo acusa di a planta cannabis riba 29 di november 2013 y e ta wordo acusa di, conhuntamente cu un otro of otronan, posesion di bala riba e fecha en cuestion. S.J. ta wordo acusa di ladronia den un cas na augustus 2014.

Orario; 9:30

Sospechoso; G.R.

Acto Castigabel;

R. ta wordo acusa di kiebro y ladronia den juli y augustus 2014.

Orario; 10:00

Sospechoso; D.D.P.
L.J.G.C.

Acto Castigabel;

D.P. y G.C. ta wordo acusa di traficacion di hende riba 4 di oktober 2014.

Orario; 11:00

Sospechoso; R.E.d.M

Acto Castigabel;

D.M. ta wordo acusa di ladronia den un cas un pertenencianan di un persona riba 4 di oktober 2014.

D.M. ta wordo acusa di ladronia riba 20 di mei 2013.

FERTEC N.V.

AIRCONDITION & REFRIGERATION

Address: Caya Ernesto o Petronia 45 Email: fertecnv@hotmail.com
Tel: (297) - 5882860 Cell: (297) - 5633766

Seriously efficient air conditioning

**A smart solution for your
business or home**

5 ton unit, 5.3 amps

**24 hours a day, 7 days a week
is about 230,- AWG monthly**

**The Only Inverter Central
Unit with
Solar Panel Connection**

SEER up to 25.00

SUNSOURCE®
Home Energy System

**New generation of
inverter minisplit**

Joel Bunde, GM nobo di Hyatt Aruba

Aruba tin un bon clima pa haci negoshi

JOEL Bunde, General Manager nobo di Hyatt Regency Resort, compaña pa e GM saliente Fred Hoffmann y Andrew Mensforth (Regional Vice Presidente Operations for Latin America & Caribbean) a realiza un bishita di cortesia cerca Prome Minister Mike Eman diahuebs atardi. «E tabata tremendo pa topa asina hopi hende riba mi prome dia di trabou, specialmente e Prome Minister di Aruba.» Esaki tabata e prome dia di trabou di e GM nobo y kier a sigura e mandatario cu Hyatt lo sigui cu e operacion di semper treciendo clientenan cu no solamente ta gasta den e hotel pero tambe den comercio local. «Nos a combersa riba con bon e clima pa haci negoshi ta na Aruba y con nos kier sigura cu esaki ta sigui tanto pa Aruba como Hyatt.» E mandatario a expresa na e delegacion di Hyatt cu Gobierno ta contento cu e cadena di hotel aki ta trece pa Aruba e turistanan cu Gobierno kier pa e isla. Bunde a sigura cu e lo sigui cu e mesun maneho cu semper Hyatt a desplega pa un turismo di calidad na Aruba.



celebra bida

Pension. Regla na ENNIA.

ennia
Sinti bo sigur!

Descubri e facilidad di cera seguro nobo riba ENNIA.com

fun miles
Fun within your reach

Contacto estrecho entre Prome Minister y su pueblo ta continua



Embeyecemento, asistencia social y motivacion ta presente den Accion di Barrio



Tel: 5821164
Cel: 5931189
Fax: 5880109
www.boutiquekeyla.com



Nos tin hopi paña nobo y bunita
di size S te cu size 26
Pasa wak pa bo mes!!

Paradera 84 ~ Dialuna - Diasabra ~ 9am - 6:30pm    

PINOCCHIO

Kerkstraat #16 - Tel: 582-2266



Blaas bunita a yega den tur tamaño y color

Specialmente pa temporada di Carnaval nos tin 25% di descuento!!

Kerkstraat 16 - Tel: 582-2266 - Cel: 564-1977

E prome Accion di Barrio a ranca sali diahuebs mainta ora cu Prome Minister Mike Eman tabata presente den e bisindario di Pos Chikito.

Tabata relevante pa e mandatario comunica directamente cu habitantenan di e barrio, teniendo na cuenta e desaroyo grandi cu esaki lo conoce den 2015 danki na e ehecucion di e proyecto Green Corridor. "Nos ta hopi contento cu e prome accion di barrio a cuminsa na Pos Chikito. Tin un interes grandi pa tur e ideanan cu Gobierno ta desaroyando rond," asina Premier Eman a comenta. E barrio aki, hunto cu otro barrio pariba di brug ta bay haya un infraestructura mas adecua.

Prome Minister a gradici e bon bini caluroso cu el a haya den e barrio for di famia Winterdal. Ta trata di un famia masha conoci y bon amigo cu a sirbi como guia durante e recorrido cu a haci e mainta aki. Durante e trayecto y bishitando varios bisifia, a combersa riba e diferente necesidadnan den e barrio, por ehempel caminda di santo pa asfalta y instalacion di iluminacion publico. E situacion aki ta similar na esun di otro barionan rond di Aruba, algo cu Gabinete Mike Eman I a alivia enormemente cu instalacion di luznan publico LED y drechamento di caya den varios barrio. Tur esaki ta trabounan

cu ta bay continua durante e

Participacion activo di habitantenan ta esencial

proximo añanan. E participacion di e ciudadano ta clave den e trabounan cu Gobierno tin planea pa mehora e calidad di producto Aruba y e nivel di bida di su hendenan. Un ehempel di esaki ta Sr. Eddy Winterdal, segun Prome Minister Eman a splica. "E mes a improvisa un verkeersdrempel na un di e camindanan banda di cas. Tur esaki ciudadano hopi activo y cu tin hopi interes no solamente pa nan mes, pero nan bisifia y esey ta loke Gobierno kier promove." Pa e mandatario, personahenan asina ta importante den barrio pasobra ta keda vocifera e necesidad di e barrio y ta duna aporte unda por trece cambio. Di su banda, Prome Minister Mike Eman ta sigui realisa e actividadnan manera Accion di Barrio y Pinta Bo Barrio pa duna su mes como ehempel y estimulo na otronan. Durante Accion di Barrio, manera esun na Pos Chikito, e mandatario ta compaña pa representante di instancianan publico pa duna asistencia inmediato. Personal di Serlimar ta yuda si tin sushi grandi of auto pa bay cune. "Tin biaha ta hendenan cu tin cierto dificultad fisico cu nos por yudanan y tur esey ta wordo haci

den e mesun siman cuta bishita e barrio. Tur siman ta bay otro barrio y asina ta duna cada barrio e atencion cunan merece,"

asina Premier Eman a splica. Otro instancianan cu ta forma parti di e actividad regularmente ta Bus di Salud, Gele Koorts Muskietbestrijding y trahadonan social. Den cierto caso ta realisa mediacion pa yega na traboupa medio di e inventario cu tin di cuponan di trabou den sector priva.

Algo cu tambe Prome Minister Mike Eman a disfruta enormemente, tabata e oportunidad cu e ta haya di cana cu hobenan estudiante durante e accion di barrio. Sea aki na Aruba of na exterior, ta importante pa conscientisa e hubentud riba nan responsabilidad civico. "Den nan desaroyo academico ta wak teoria y practica. Nos por studia, pero nos mester aplik'e na cierto momento. Ta importante pa nos studentenan participa y wak con nan estudio por wordo utilizamafian pa un crea un miho calidad di bida," tabata e palabranan di Minister President Eman na final di su recorrido den e barrio di Pos Chikito. Proximo actividad comunitario ta un di Pinta Bo Barrio den districto di Oranjestad, mientras cu semanalmente ta haci e Accion di Barrio rond di Aruba.

Comision Celebracion Dianan Nacional ta informa

En conexio cu celebracion Dia di Betico riba 25 di Januari 2015

COMISION Celebracion Dianan Nacional (CCDN) tin su reunionnan y ta preparando den full swing e parti organisatorio pa cu e celebracion di Dia di Betico.

Nos ta den e luna di su fecha natalicio di e gran estadista Arubano Señor Gilberto François (Betico) Croes den feliz memoria. Lo bay tin e ceremonia protocolar y manifestacion cultural riba diadomingo 25 di Januari 2015 riba Plaza Libertador Betico Croes riba Vondellaan.

Pa tur actividadnan rond di nos isla ta ser pidi pa organisadonan manda nan informacion via e-mail na stan.dabian@gmail.com pa Sr. Stan Dabian pa asina traha e calendario di actividad pa nos pueblo di Aruba por bishita tur e actividadnan riba Dia di Betico.

For di awor caba comision CCDN ta spera cu publico lo asisti na e actividadnan riba nos isla y hunto cu famia celebra e Dia di Betico.



CAREER OPPORTUNITIES

Join an unrivaled team. A team who knows that the perfect experience is in their hands.

At The Ritz-Carlton, we are empowering our Ladies & Gentlemen to make each guest experience like no other. We are taking passion and turning it into a vision. And, we are leading a team that never forgets we are creating guests for life.

The Ritz-Carlton, Aruba is selecting Ladies and Gentlemen for the following positions:

Accounting

Sr. Assistant Director of Finance
Purchasing & Receiving Clerk

Activities & Recreation

Pool & Beach Attendant (F/T & P/T)

Meetings & Special Events

Director of Banquets
Sr. Meetings & Special Events Manager
Audio Visual Technician

Food & Beverage

F&B Hostess (F/T & P/T)
Assistant Waiter (Busser)
Bartender
Barback
In-Room Dining Server (Room Service)
Honor Bar Attendant

Culinary

Jr. Sous Chef
Chef de Partie
Cook I
Cook I & II (Pastry)

Stewarding

Steward
Cafeteria Attendant

Engineering

Engineer I

Loss Prevention

Loss Prevention Officer (Security Officer)

Housekeeping

Housekeepers (P/T)
Houseperson

Front Office

Front of the House Manager
Front Office Agent (F/T & P/T)

Guest Relations

Concierge

Guest Services

Guest Services Agent (Bellperson)

Ritz Club Lounge

Ritz Club Attendant (F/T & P/T)
Front of the House Supervisor (Ritz Club)

Spa

Spa Concierge
Spa Therapist (P/T)
Spa Salon Technician (Nails & Hair)
Fitness Attendant

Casino

Dealer
Surveillance Agent
Casino Cage Cashier
Casino Guest Relations Attendant

Reservations

Reservations Agent

We invite you to learn more about these positions and apply at www.ritzcarlton.com/careers
Join the Ladies & Gentlemen of the The Ritz-Carlton. The Art and Soul of Hospitality.

The Ritz-Carlton Hotel company is an equal opportunity employer committed to hiring a diverse workforce and sustaining an inclusive culture

FIND YOUR WORLDSM

Or you can pass by our Human Resources office from Monday thru Thursday between 10:00AM and 3:00PM Address: L.G Smith Blvd 107 Tel: 527-2403

Indice di Prijs di Consumo, basa riba december 2006

E CPI pa luna di december 2014 ta 119.52, loke ta representa un subida di 1.3% compara cu e indice di november 2014 (118.03).

E cambio di e CPI p'e ultimo 12 lunanan (december 2013 te cu december 2014) ta 2.2%, un subida di 2.1 punto di porcentahe (ppt) compara cu e periodo corespondiente di aña pasa (0.1%).

E promedio anual di e tasa di inflacion p'e periodo di december 2013 pa december 2014 ta 0.4%, un subida di 2.8 ppt

compara cu e -2.4% registra den e periodo di december 2012 pa december 2013.

Durante e luna aki, 11 di e 12 sectornan a registra subida di prijs. E subidanan cu tabatin e mayor efecto riba e CPI a wordo registra p'e sectornan di

"Recreacion y Cultura" (5.2%), "Transporte" (2.2%), "Cuminda y bebida no-alcoholico" (1.2%) y "Comunicacion" (2.5%) causando un efecto di 0.41, 0.40, 0.18 y 0.13 ppt, respectivamente.

E subidanan den e restante sector a contribui cu un efecto di

0.14 ppt riba e CPI di december 2014.

No a registra caida den ningun sector na december 2014 cual probablemente ta debi n'e introduccion di e "Health tax" na december 1, 2014.

E subida den e sector di "Recreacion y Cultura" a wordo causa principalmente dor di un subida den e categoria "Vacacion" (82.6%), causando un efecto di 0.39 ppt.

E subida den e sector di "Transporte" a wordo causa dor di subida di 34.9% y 1.0% den e categorianan "Servicio di transporte" y "Compra di vehiculo", causando un efecto di 0.45 y 0.08 ppt, respectivamente.

E subida den e sector di "Cuminda y bebida no-alcoholico" a wordo causa principalmente dor di un subida den e categoria "Cuminda" (1.1%), causando un efecto di 0.14 ppt.

E subida den e sector di "Comunicacion" a wordo causa principalmente dor di un subida di 2.5% den e categoria "Servicio di telefon y fax", causando un efecto di 0.13 ppt.

E canasta di consumo di e CPI ta

consisti di 452 bienes y servicio. Compara cu november 2014, 65.9% di e bienes y servicicionan aki a conoce un aumento di prijs causando un efecto di 1.65 ppt, mientras cu 17.5% ta muestra un caida di prijs, cu a contribui cu efecto di -0.40 ppt y p'e restante 16.6% no tabatin cambio den prijs.

Prijsnan di bienes a subi cu 0.3% na december 2014 y a causa un efecto di 0.20 ppt riba e CPI di december 2014. Prijsnan di servicicionan a subi cu 2.9% y a causa un efecto di 1.05 ppt.

E CPIC (core inflation) - CPI excluyendo e efecto di energia y cuminda - a registra na december 2014 un subida di 0.1%, un caida di 0.1 ppt, compara cu e periodo corespondiente di aña pasa (0.2%).

E indice di energia - cu ta consisti di e produccionan: Electricidad, awa, gasolin y diesel a registra un subida di 0.5%, cu ta 12.1 ppt mas halto compara cu e periodo corespondiente di aña pasa (-11.6%).

E indice di cuminda a registra un subida di 2.2%, cu ta 2.2 ppt mas halto compara cu e periodo corespondiente di aña pasa (0.0%).

E bestaansminimum pa un hogar consistiendo di dos adulto y dos mucha (edad 0-14 aña) na december 2014 ta Afl. 4,430, mientras cu pa un hogar di un adulto e suma ta Afl. 2,110.

Oficina Central di Estadistica a presenta e resultadonan principal di Indice di Prijs di Consumo (CPI)


Authorized Reseller

MacBook Pro

with Retina display

More power behind every pixel.



MacBook Pro with Retina display features over four million pixels in the 13-inch model and over five million in the 15-inch model, fast flash storage, powerful fourth-generation Intel Core processors, high-performance graphics and up to 9 hours of battery life.² And it comes with an incredible collection of productivity and creativity apps. All in a design that's still as thin and light as ever.

Follow us on:



Ponton 67B Unit 5
588.2167
info@istorearuba.com
www.istorearuba.com

iStore
A R U B A

DRAGON CD & ELECTRONICS

Mainstreet San Nicolas Tel. 584-3999
open 9.00 - 13.00 and 14.30 - 18.30

Dragon specials



BLU advance dual sim
Afl. 200.00



iPhone 6



Samsung S5

Also: Samsung S5 mini, Samsung S4, Samsung 4 mini, S3 mini etc.....
Accessories for: HTC Sensation XL, One X, Rhyme and Samsung S2, S3 and Note.
Also: iPhone 5s, iPhone 5c, Samsung S5, Samsung Note 3, Blackberry Q10 and Q5, curve 9220 and more.
Toshiba Laptop 15.6" 4Gb 320Gb Harddisk. Afl. 900.00
Hp Ink cartridges, Universal laptop adapters etc..
iTunes gift cards \$ 10.00, \$ 15.00 and \$25.00, Google play cards and Playstation Network cards.
Sales, repair and accessories for all Samsung models and other cellualars.
Unlock, reload, reset, upgrade, replace led, keypad, speaker etc.....

**CARRY-OUT
SPECIAL**

➤ARUBA, HERE IS YOUR DOMINO'S PIZZA CARNIVAL SEASON DEAL!➤

MEDIUM 2-TOPPING HAND TOSSED PIZZA



© 2015 Domino's

FOR

AWG 20⁰⁰ EACH

- * Delivery with minimum purchase of two or more Medium 2-Topping Pizza.
- * This Promotion is not valid in conjunction with any other promotion or offer, and is not valid for any of our specialty pizzas.
- * This offer is valid for a limited time only (2015 Carnival Season). Best Pizza Aruba N.V. reserves the right to stop the promotion at anytime without prior notification.
- * Certain conditions apply for the delivery of only one Medium 2-Topping Pizza. Consult our Customer Service Representative for the conditions.

**Palm Beach
586 0333**

**Tanki Leendert
582 0333**

**Savaneta
584 0444**



Parlamentario Melvin Tromp

MEP cu mesun cantaleta di pesimismo y pensamiento destructivo pa Aruba



NO tin mucho cambio den mentalidad y vision politico di partido

MEP y tur hende por a nota caba den e prome dos siman di luna di januari di aña 2015, cu tanto e lider di MEP y otro miembronan di e fraccion geel, ta cu mesun cantaleta cu nan a uza den 2014. "Simplemente e hendenan aki no tin algo pa aporta na desaroyo di nos pais. Nan no tin ni e minimo aporte na bienestar di nos pueblo. Al contrario, ya caba tur hende por a ripara kico por spera di partido MEP bou liderazgo di Evelyne Wever Croes, caminda e deseo di e hendenan aki pa cosnan bay malo pa pueblo di Aruba, pa Hulanda bin impone riba nos Constitucion y trapa libertad di nos pais, ta loke nan ta deseando", segun Melvin Tromp, miembro di fraccion di AVP den Parlamento.

"Ta tristo cu pueblo por a ripara cu e lider di MEP, den su prome responsabilidad como miembro di Parlamento den reunionnan di IPKO, ta bay over na gafia riba miembronan di Parlamento di Hulanda, Corsou y Sint Maarten, bisando cosnan cu nunca a ser trata den e reunionnan.

A caba di nombra su persona miembro di Comision di Integridad pa algun ora despues Evelyn confirma cu e no tin integridad dor di sinta gafia di e forma cu el a haci esaki".

Di acuerdo cu Melvin Tromp, den conferencia di prensa di e siman aki di fraccion di MEP, por a confirma caba cu e nobato Dangui Oduber, ta sigui riba mesun ruta cu cual el a dreña politica cu ayudo di su tata, esta c'un vision negativo y destructivo, guiando un barco politico cu su tata a laga pe, cu ta demasiado grandi p'e por nabega cune.

Un biaha mas Dangui Oduber ta predici desaster, ta predici un crisis cu e so ta mira y ta papia di cosnan malo cu lo bin pa pueblo, loke fraccion di MEP a haci den henter 2014.

"No tin den historia politico di nos pais, un partido y un candidato politico cu carera a wordo guia pa tanto deseo negativo pa su pueblo y den su prome aña como politico oficial y miembro di Parlamento, tur hende por ripara cu Dangui 'a'inda' tin cu haci algo, tin cu duna un aporte positivo pa bienestar di e pueblo dey Aruba. Dangui ta bolbe papia di medida, Dangui Oduber kier pa Gobierno manda hende cas, Dangui kier baha un Gobierno cu pueblo a eligi den forma asina convincente, Dangui kier pa tur dia, famianan riba e pida baranca aki, sufri y pasa den cosnan malo, ya cu t'e unico forma cu e ta kere cu e lo recupera e poder cu su tata Nel Oduber tabatin.

T'e unico forma pa Dangui Oduber por sigui atende interesnan di su famia den e aparato gubernamental, ya cu realmente e famia di Dangui, t'e famia cu mas a beneficia di tabatin Nel Oduber den Gobierno y awor ta Dangui a ser asigna pa bolbe logra esey. Realmente tanto pueblo di Aruba como nos di AVP, a spera algo diferente for di MEP. Sikiera un aporte n'e desaroyo cu Aruba ta pasando aden aworaki, pero tur miembro di MEP ta sigui cu mesun cantaleta di desaster, cantaleta pa cosnan bay malo, cantaleta pa Gobierno kita hende for di trabou y bin cu mas medida pa asina riba sufrimento y desaster di pueblo, MEP trata di haya un poder bek cu pueblo a kita for di dje, pa motibo cu Gobierno di MEP realmente a fabrica y sostene desaster y medida". Parlamentario Melvin Tromp ta declara.

Prome

Despues

ALHYDRAN, un crema pa regula e humedad di e cuero recomienda rond mundo, awor obtenibel na Aruba

Turistanan y hende local ta stima e productonan di "skin care" y "sun care" di Aruba Aloe, pero locual hopi hende no sa, ta cu Aruba Aloe tambe ta produci un crema cu halto concentracion di Aloe Vera cu ta regula e humedad di e cuero, esta Alhydran, cu ta wordo uza den e cuida di cicatriznan di quemadura, di operacion, pa baha e cora y kita e gana di grawata despues di laser therapie of radiotherapie y otro cicatriznan. E crema efectivo aki produci na Aruba, a bira un di e standard nobonan den cuida di cicatriz den hospitalnan universitario y brandwondencentra rond mundo. Bendi den mas cu 22 pais, e producto di exportacion Rubiano aki ta obtenibel na tur tienda di Aruba Aloe.

Un storia di exito

Wim Arns, un hende homber di edad mediano, a kima su mannan y su cara gravemente ora e sas di su siga a cay den un hemchi di parafina cu e tawata tin wanta, causando un explosion spontaneo. Wim: "Despues di a wordo trata na e "brandwondencentrum" na Rotterdam, e dokternan a referi mi pa un terapeuta di cuero den mi mesun bario unda mi lo sigui e tratamiento di mi cicatriznan. Mi cuero tawata grawata masha hopi mes, sinti strak y mi a desea un crema cu lo haci mi cuero mas flexibel y kita e gana di grawata. Pa e motibo ey mi terapeuta a recomenda Alhydran. Ya caba despues di e prome ora cu ma aplica e crema, mi cuero a haya mas espacio pa hala rosea, e grawatamento a stop y en general ela sinti mas comodo. Mi cara a cura ful, e cuero a haya su flexibilidad completo bek y e mesun resultado ta conta pa mi mannan. Terapia a contribui na esaki pero cu e cuero por move sin scheur y cu e gana di grawata a kita ful mi ta atribui na e uzo di Alhydran."

Alhydran: door di wowo di un profesional

Rina Rijkenberg ta un terapeuta di cuero na Oosterbeek Hulanda. Como un especialista, e tin diferente tratamiento y producto pa scoje for di dje pero Alhydran ta su nr. 1 solucion. Rina: "Hopi di e kehonan ta cu e cuero ta sinti seco, ta grawata, ta cora, sensitivo y ta haci dolor, cu ta sintomanan frecuentemente asocia cu victima di candela, lymfoedeem pashentnan, hende cu a haya terapia di radiologia, cu tin otro cicatriznan, puishi of cabey excesivo. Tur esaki por wordo causa conhuntamente door di un deregulacion den e nivelnan di humedad di e cuero. E secreto di Alhydran ta cu e ta regula e humedad den e cuero riba un manera excepcional. Aplica e crema mainta y e lo keda activo durante e dia, brindando bo un cuero menos doloroso y sin grawatamento. E ingrediente mas importante di e crema ta e halto concentracion di puro Aloe Vera cu ta zorg pa e hidratacion, sigui door di puro vitamina C, vitamina E y azeta di Jojoba cu ta prolonga e actividad. Pashentnan por realmente mira y sinti nan cuero cura."

Pa mas informacion tocante e localidadnan di e tiendanan di Aruba Aloe por bishita e website: www.arubaaloe.com/stores. Pa calquier pregunta over di Alhydran, por fabor ruma contacto cu Melissa Acosta, Customer Service, na Aruba Aloe Balm N.V. T: +297 588 3222 of email: customerservice@arubaaloe.com



Accion

Limpieza y restablece orden

den cayanan di Oranjestad ta continua



AYERA mainta tempran e accion cu a cuminsa bao guia di Minister Arthur Dowers den december aña pasa a continua den cayanan di Oranjestad, bao guia di un funcionario di Ministerio di Husticia. E accion pasa den cayanan di Rancho hunto cu Polis di Bario y personal di City Inspector, Serlimar, Bureau Ondersteuning Verslavingszorg y FMAA.

Varios di e adictonan ambulante a solicita n'e funcionarionan di FMAA y Bureau Ondersteuning Verslavingszorg pa nan bay boluntariamente p'e centronan di rehabilitacion. E adictonan ambulante aki wordo hiba n'e respectivo centronan di rehabilitacion.

Algun comerciante cu a tuma nota di e accion cu a sigui den e area di Hotel Central tabata hopi positivo.

Mester remarca si cu den e area aki tin comerciante cu no ta comportando nan mes como un bon bisifia. A topa cu susedad tira riba caya procedente di pacusnan di caya grandi. E dia anterior algun di e comerciantenan aki wordo verbalisa pa Polis di Bario pa cu e acto aki.

Despues a sigui pa Santana Protestant den Caya Ernesto Petronia. Aki tambe a topa cu adictonan ambulante cu a haci e lugar aki manera nan "cas".

Aki a lanta e adictonan y tuma tur nan "pertenencianan" y a benta esakinan afo. A papia cu e adictonan aki cu a bisa cu nan tambe ta fada cu autoridadnan ta "molestia nan" y a dicidi di bay boluntariamente pa rehabilita.

Por bisa cu e accionnan aki cu a cuminsa december aña pasa bao guia di Minister Arthur Dowers ta dunando nan fruto, ainda falta (hopi), pero mirando e resultado positivo te cu awor, e accionnan aki lo continua pa trece ordo bek den Oranjestad.





Ta uni partnernan riba tereno di adiccion

MINISTER DOWERS TA PIDI COMERCIANTENAN PA TAMBE DUNA DI NAN PARTI

MANEHO di adiccion na Aruba ta conociendo cambionan grandi, unda cu Minister **mr. Drs. Arthur Dowers** a trece diferente instancia hunto pa tuma accionnan pro activo y bon coordina pa kita adiccionnan ambulante for di caya. Esaki no ta tuma luga sin mas, pero ta rekeri e esfuerso di tur organisacion cu por haci un contribucion pa uni nan mes na e grupo cu lo ta trahando riba provee tratamento di rehabilitacion, resocializacion y tambe ta provee tratamento di condicionnan psiquiatrico.

Minister Dowers den e proceso pa cuminsa cu e proceso den e area di centro di Oranjestad y Rancho a pidi, mescos cu comerciantenan a bati na su porta, pa e comerciantenan awo contribui tambe na e desaroyonan cu lo beneficia nan y nan clientenan na final di dia.

Particularmente riba tereno di maneho di sushi/desperdicio tin un reto bastante grandi. E mandatario a pidi pa comerciantenan no paga chollernan mas pa tira sushi afo pa nan, pasobra e sushi ta wordo benta unda cu ta y riba tereno publico. E chollernan ta piki for di den e sushi materialnan cu nan ta uza pa acomoda nan mes unda cu ta, formando un mahos bista pa tanto e cliente local como pa nos turistanan. E resto di e sushi cu ta keda benta tur caminda ta bira criadero pa sangura, ta cuminsa hole vies y ta atrae diferente sorto di fuente di malesa, manera d'jaca.

Un otro problema cu sushi tin su rais cerca e comerciante mes. Minister Dowers a referi na e comerciantenan cu ta cumpli y tin nan mesun container pa desperdicio, pero di otro banda no ta busca un container mas aunke

nan mes por wak cu un container no ta suficiente pa nan negoshi. Aki ta haya cu ora e container yena ta cuminsa acumula sushi rond di e container, cual tambe naturalmente ta forma molester. E mandatario a pidi comerciantenan pa pone atencion riba esaki tambe y soluciona e situacion.

Un di tres situacion incomodo y indeseabel cu e mandatario a menciona ta e situacion unda cu comerciantenan ta laga haci trabao di construccion pero no ta percura pa deshaci di e resto di material di construccion ora nan ta cla.

"Tur hende mester contribui na e "leefbaarheid", na e calidad di e centro di ciudad cu nos tin y esey mi no ta mir'e suficiente di parti di e comerciante," Minister Dowers a comenta. El a agrega cu mayoria di comerciante tin bon boluntad y di parti di su ministerio lo kier bay den combersacion y wak ken kier yuda den e proyecto pa alivia e situacion cu adiccionnan den centro di ciudad.

Minister Dowers a bisa cu di parti di City In-

spector, Polis y Serlimar lo tin personal pasando pa papia cu tur comerciante pa avisa nan di e maneho nobo encunto sushi den centro di ciudad.

Ta lamentabel cu tin comerciante cu ya ta na haltura di kico nan obligacionnan ta, pero tin cu ta nenga di cumpli y no ta keda nada mas, despues cu a adverti nan varios biaha, ta bay over awo na tuma articulonan cu a laga riba terenonan publico den beslag pa medio di un orden di Ministerio Publico. Proces-verbaalnan tambe lo wordo emiti y cobra.

Mester di sosten di ful
nos comunidad
pa proyecton
a sina

logra y tur hende mester por comprende cu tur ciudadano mester y por contribui na crea un Aruba harmonioso, unda ta dushi pa biba, Minister Dowers a conclui bisando.





Brazil Taekwondo

A entrega certificado di faha di color

BRAZIL Taekwondo Stichting a entrega su atletanan cu a haci examen na luna di december 2014 nan certificado. E atletanan cu a haci examen ta for di e grupo di e nobonan y esnan di e team di Train Hard Fight Smart. E siguiente atletanan a pasa p'e siguiente fahanan: Danon Delamore, faha blau strepi cora. Iryaahim Delamore, faha cora strepi preto. Jyaamhur Delamore, faha berde. John Liendo, faha geel. Adam Liendo, faha berde. Micheal Noel, faha blau. Paul Woodler, faha geel. Joshua Klabér, faha blau. Jahmani Eisdén, faha berde. Erston Yazagaray, faha blanco strepi geel. Justin Arrindell, faha cora strepi preto. Luigi Lake, faha blanco strepi geel. Seth Abraham, faha blanco strepi geel. Lixandra Bello, faha blanco strepi geel. John leon, faha blanco strepi geel. Sarabela Johnson, faha blanco strepi geel. Rush jan Vorst, faha blanco strepi geel. Indra Henricus, faha blanco strepi geel. Nos felicitacion!!!



Deporte di Softball ta perde un "Baluarte"

Un homber cu un curason grandi:
Francisco "Bubeys" Gomez

ARUBA Softball Bond kier dedica awe repasando poco historia di e gran personahe, Francisco Antonio Gomez Sevinger. Mihor conoci como Bubeys, Panchico of Capitan.

Bubeys ta bin di un famia humilde, kende a yega Aruba na edad relativamente hoben.

Bubeys na bida felizmente casa cu amor di su bida Silvia Werleman alabes tata di nan 3 yiunan Penelope, Francis y Giovanni. Tabata un tata di famia ehemplar y sigur hopi stima den su famia y amigonan.

Bubeys hunto cu su ruman mayor Ronny y tambe Dany a biba un tempo na Noord Cura Cabay y mesora a bin cu e idea pa lanta un team di bario. Su rumannan mas chiquito Willy y Suzy a join e organisacion mas despues. Asina e rumannan a lanta nan prome team cu amigonan den bario bou di number NCC.

Bubeys, kende tabata hopi bon den man di obra t'esun cu cu a corta e leternan di uniform y tabata verf esakinan pa duna nan prome uniform "home made" mas style.

Bubeys na edad hoben den su carera laboral a traha como Front Office Manager na Holiday Inn Hotel y mas despues Credit Manager na Concord Hotel y finalmente como Junketeer.

Esta busca gamblers internacional y organisa torneonan grandi di entretro "Baccarat" den cual Bubeys tabata un experto y super exitoso.

Dado momento Bubeys tabata charter avionnan "sold out" for di Venezuela y Colombia pa trece nan Aruba. Bubeys tin e record un biaha a charter un Viasa DC 10 ful yen pa bin Aruba pa torneo di Baccarat.

Tambe Bubeys tabata exitoso como promotor y tabata organisa tempo di Concord Hotel, shownan internacional en especial guestnan

cu tabata bin gamble y asina por menciona cu Bubeys a trece Aruba artistanan grandi manera Julio Iglesias, Jose Luis Rodriguez, Danny Rivero pa menciona algun.

Bubeys den Concord arena a organisa tambe un campeonato mundial di boxeo, esta peleanan pa titulo mundial.

Bubeys den su bida priva tabatin un pasion enorme p'e deporte di softball cu porcierto el a mantene te momento cu Papa Dios a manda yame.

Rond 1980 su equipo tabata yama Concord Hotel. Poco despues nan a cambia di number y a bira Ritz y a join Aruba Softball Bond den B-Klas.

Ritz su prome aña den campeonato oficial di ASB a ta titula campeon y a promove pa A-Klas. E aña siguiente Ritz ta titula campeon den A-Klas y ta wordo promovi p'e klas mas halto, esta AA.

Aki nan a cambia number y a bira Seguros Aponte Athletics. E aña siguiente nan ta marca historia ora nan ta detrona e trabuconan di Casa Haime y ta bolbe titula campeon pa di tres aña consecutivo den tres diferente Klas.

Bubeys den su tempo tabata un tremendo centerfielder semper estelar cu hopi speed riba base y tambe un bon bateo.

Na aña 1991 bou number di Athletics Amstelito den AA Fast Pitch e equipo a hunga un di e finalnan mas grandi di Aruba riba veld di Caribe vs Pueblo (x-Video Center) unda a yena e veld ey cu fanaticada manera nunca bisto. Bubeys tabata e architecto constructor, kende semper ta pone e ideanan hunto, mientras su man drechi su ruman Ronny y rumannan tabata esnan cu ta ehecuta e plan.

Asina Bubeys den su gloria a bin cu



e plan pa ban traha un veld di softball cu a bira realidad algun tempo despues. Veld di Astros na Pavia.

Bubeys t'esun cu a bin cu e idea pa ban lanta Copa ABC y e.o. su ruman Ronny t'esun cu semper ta ehecuta a aserca Chai Curry di e equipo Teremoto di Corsou y despues Freddy St Jago di La Sonrisa di Bonaire y asina a inicia Copa ABC rond 30 aña pasa cual campeonato ainda ta existi den diferente categoria.

Gran Apertura di "veld di Astros" e soño di Bubeys cu a cristalisa a tuma lugar riba un aña di La Reina 30 di april 1984, unda e prome torneo cu a tuma lugar eyriba tabata e prome Copa ABC y Teremoto a titula campeon e aña ey.

E equipo di Astros a cuminsa challenge tur e teamnan trabuco di e tempo aya manera Montaña Braves, Pova, JJ Killers y tabata gana tur.

Na 1985 y 1986 Astros ta logra titulo di sub campeon den Copa ABC. Bubeys haciendo locual semper e tabata bon den di e sigui construi su equipo y a pone un record cu te awe e tin riba su nomber ganando 8 titulo di campeon di Copa ABC den fila desde 1987 pa 1994 y dos sub campeon 1995 y 1996. Pues hungando 12 aña consecutivo den tur final di Copa ABC.

Bubeys mas na grandi a sigui cu Atros 40+ y despues Astros 50+ y tambe Astros 60+. Ainda 3 aña pasa Bubeys a



pusha pa lanta Mio Athletics un team di hobennan cu a hunga den A-Klas di ASB y a titula campeon y a subi AA. Esaki ta papia hopi di su personalidad su pasion determina y dedicacion como lider den softball. Equipo di Bubeys den nan gloria a representa Aruba e.o. na Cali, Corsou, Bonaire, Costa Rica, Venezuela, Halileah (Miami). Bubeys cu su miembronan yega di tira un gira di 21 dia den ful Mexico. Bubeys semper ta pone un idea su dilanti y ta percura p'esaki wordo cristalisa.

Te na ultimo Bubeys semper tabata cana y train pa mantene curpa den condicion como parti di su hobby y tabata bishita su ruman Willy, kende

t'esun mas cerca di su cas cu hopi frecuencia.

E partida di ripiente di Bubeys for di nos sigur a laga un bashi enorme, pero su famia y amigonan y sigur su amigonan di deporte di softball ta hopi, pero hopi orguyoso di por tabatin un lider di tal magnitud como nan amigo.

Bubeys tabata un persona super special como ser humano. Cu Papa Dios duna su casa Silvia, su yunan, rumannan y demas famia y amigonan e consuelo nesesario y hopi forsa den dlanan nos dilanti.

Danki-Danki-Danki pa tur locual bo a haci pa nos deporte di softball.

"Bubeys" - "Capitan" sosega na pas.



Aplicacion pa ARUBALENING



Enseñansa Aruba

FAQ | Search | Sitemap | Contact

Home | Noticia | Organisacion | Manero | Structura | Documentu & Publicacion

Boton aki: Home

Aplicacion pa Arubalening

Departamento di Enseñansa Aruba (DEA) ta informa tur esnan cu ta desea di cuminsa cu un estudio cu financiamiento di Gobierno na luna di augustus / september di aña escolar 2015-2016, pa aplica pa Arubalening no mas tarda cu diabierna dia 30 di Januari 2015.

► Lesa mas...



Noticia

- Arubalening
- Studentenan di IP6 ta presenta investigacion di finalisacion di estudio
- Pa inscripcion na La Salle Hollandia
- Accord cu Studietoetschot
- Mas Noticia

Den e Alfabet Menu por haya un cantidad di topico relaciona cu Enseñansa na Aruba, den orden alfabetico, manera por ehempel Leerplicht na letter L of Vakantie na letter V.

A B C D E F G H I J K L M N O P Q R S T U V W X Y Z

A

► Accreditation

► Award Opleiding

► Arubaanse Reken Toets (ART)

► Arubalening

B

DEPARTAMENTO di Enseñansa Aruba (DEA) ta recorda tur esunnan cu ta desea di cuminsa cu un estudio cu financiamiento di Gobierno na luna di augustus / september di aña escolar 2015-2016, pa aplica pa Arubalening no mas tarda cu diabierna dia 30 di Januari 2015.

Pa aplica pa Arubalening mester haci uso di e formulario di aplicacion cu ta obtenibel pa download for di riba e website Enseñansa Aruba | www.ea.aw.

Aki tambe por haya e foyeto

cu mas informacion di e procedura di aplicacion, condicion pa bin na remarca, e sumanan di e prestamo, e duracion, finalisacion y pago di e prestamo.

E peticion pa un prestamo pa estudio mester keda entrega na seccion Studiefaciliteiten di Departamento di Enseñansa Aruba. E seccion aki ta ubica riba e prome piso den e edificio di Codemsa na Cumana 69.

Pa mas informacion por acudi tambe na e website www.ea.aw of yama na 588-7600.



Wega di

"Cars and Cash"

a conoce prome ganado di auto

LOTTO un biaha mas ta sigui regala premionan tremendo. E biaha aki cu e wega di e serie di Raspa y Gana tan gusta, esta Cars and Cash. E dia di suerte a toca Yolanda T. e siman aki. Su ruman a cumpra un ticket y e mes a cumpra e ultimo ticket di Cars & Cash cu tawata obtenibel na Lucky 77 na Noord. E ticket cu el a raspa a resulta ganado di e bunita auto nobo nobo. "No tin palabra pa mi expresa mi alegria, mi ta super contento. Mi ta un fiel hungado di e wegan di Lotto y lo sigui cumpra y cambia bida cu Lotto", e ganado ta expresa.

Ta interesante pa menciona cu aña pasa na april Yolanda a cumpra e ticket ganado di e jackpot di Mini Mega y Mega Plus, cual prome premio a wordo comparti cu un otro pareha. Nos por bisa cu Yolanda tin hopi suerte cu wegan di Lotto, E Loteria di Aruba ya cu awo ta e a gana e prome auto cu wega di Raspa Y Gana, esta Cars and Cash.

Con abo por bira ganado di e otro auto ta masha facil. Cumpra bo wega di Cars and Cash y djs iguala cualkier di bo numbertan cu cualkier numbertan ganado y gana e premio indica pa e number cu bo a iguala. Revela e simbolo 'saco di placa' y gana e premio ey instantaneo. Ora bo revela e simbolo di "auto" abou di bo number cu bo a iguala, bo a gana un auto!

Lotto, e loteria di Aruba tin 8 diferente wega; Catochi, Big 4, Zodiac, Wega di Number Korsou di Lotto, Lotto di Dia, Lotto 5, Mini Mega, y wegan di Raspa y Gana. Cumprando Lotto bo ta contribui na deporte riba nos isla. Meta di e fundacion ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Hesucristo no ta cambia

IGLESIA Cristian Pentecostes di Aruba tin e placer di invita pueblo Cristian di Aruba pa su apertura e dia 23, 24, 25 di januari den Wilhelminastraat

102 local 03. Hebreonan 13: 8 a bisa: "Hesucristo no ta cambia", e ta sigui stimanos, ayera, awe y pa semper. Horario normal ta: diamars

7:00 pm- diabierna 7:00 pm y domingo 10 pm Zondag School. E invitación aki ta di parti di bo Ruman den Cristo, Jose Mendoza.



Catisashi pa Prome Santa Comunión di Parokia Santa Filomena Paradera



PASTOOR Toti Fuentebella di Parokia di Santa Filomena Paradera kier participa cu e preparacion pa Prome Santa Comunión ta bay cuminsa den Parokia. Esaki ta specialmente pa muchanan cu ta pertenece na parokia di Paradera. Tur mucha cu ta pertenece na parokia cu ta den klas 3 di scol basico cu no ta un scol catolico por inscribi. Inscripcion ta cuminsa dia 19 te cu 23 di januari na pastorie di Parokia mes entre 5'or di atardi te 7'or di anochi. Mester por trece un prueba di bautismo y e suma di Afl 55,= pa gasto di material pa les, bela y

certificado. E prome les ta cuminsa 28 di januari 2015. E muchanan mes mester trece material pa skirbi. E lesnan ta un biaha pa siman. Como parti di preparacion e muchanan hunto cu nan mayornan tin cu asisti tur weekend na Santo Sacrificio di Misa, sea diasabra anochi 7 or, diadomingo mainta 10 or of atardi 5:30 or. E fecha di Prome Santa Comunión lo ta diasabra 9 di mei 2015. Parokia ta spera cu mayornan tambe ta involvi den e preparacion pa yuda guia nan yiunan pa asina nan ricibi nan Prome Santa Comunión cu hopi amor y devocion.

AC/DELCO BATTERY  SPECIAL	MAC BATTERY  12 MONTH WARRANTY SPECIAL
NGK DENSO SPARK PLUGS	COMPLETE LINE IN STOCK
AMALIE MOTOR OIL <i>Better than it has to be</i>	Shell HELIX Motor oils
Valvoline MOTOR OILS	Kendall MOTOR OIL
SIMPLY THE BEST / UNLIMITED PARTS MORGENSTER # 12 - B TEL: 583 1001	

MESTER DI PLACA?

EMPEÑA Y CUMPRO ORO

PASA Y COMPROBA PA BO MES!



fun miles
fun without your reach!



JUWELENHUISJE

ORARIO 10AM - 6PM DIALUNA TE DIABIerna





ORANJESTAD WERFSTRAAT 7 LOK. 12 TEL 588 4141  **SAN NICOLAS B. V/D VEEN ZEPPENFELDSTRAAT 14 TEL 584 4141**



FAKKEL ta sigi

Part 4











Prome Minister a cuminsa cu accion den bario di Pos Chiquito

Habitantenan orguyoso di maneho cu lo beneficia futuro di Aruba

PROME Minister Mike Eman a cuminsa cu su prome accion di bario na Pos Chiquito diahuebs mainta, compaña pa miembronan di Servicio pa Comunidad y Bario (conoci como BoBario), funcionarionan di SERLIMAR y tambe cu presencia di Bus di Salud.

E tabata un bishita di mas o menos dos ora unda cu mayoria di e casnan bishita tabata di hendenan grandi cu a biba casi henter nan bida den e bario.

Prome Minister Eman a cuminsa cu na cas di famia Winterdal, splicando e famia di e plannan cu tin pa Green Corridor den cual ta inclui embeyecemento di e caminda completo di Pos Chiquito y unda e camindanan na banda despues di Pos Chiquito ta wordo renoba pa sirbi e fluho grandi di trafico cu tin entre e parti pariba y pabou. "Esaki ta un plan grandi di Gabinete Mike Eman II, cu nos ta spera cu su ehecucion lo cuminsa pronto," e mandatario a bisa famia Winterdal.

Varios miembro di e famia a compaña e mandatario den su caminata den e bario unda cu a splica cu e meta no ta uno politico pero pa scucha cual ta deseonan di e bario y cu SERLIMAR su funcionarionan tey pa yuda den limpiesa, principalmente unda cu tin hopi sushi acumula.

Mayoria di e habitantenan ta papia di camindanan asfalta y mas iluminacion den e areanan cu no a bini na remarca pa luz aña pasa.

Tur habitante bishita tabatin comentario positivo pa e trabou cu Prome Minister Mike Eman y su Gabinete a bin ta haciendo desde 2009. "Kisas nos mes lo no mira of sinti tur e resultadonan, pero nos yunan y nietonan si," tabata e comentario di Dionisio Maria, kende a para na cura di cas pa warda riba e mandatario.

Tur peticion haci di e ciudadanonan tabata pa mira con por yuda recoge sushi acumula cu nan mes no tin e vehiculo adecua pa deshaci di nan, of matanan grandi cu ta forma un problema pa cas.

Bus di Salud tambe tabata un exito, ya cu for di momento cu el a staciona mainta tempran, e pashentnan a cuminsa yega te den oranan di merdia.





Comision di **Dress a Child**

di Women's Club of Aruba a pone alegria riba cara di mas of menos 309 mucha

E HISTORIA di e proyecto di Dress a Child di Comision Special pa Mucha di Women's Club of Aruba ta un storia masha bunita. Antes durante henter aña e damanan di club tabata organisa varios fiesta y of actividad pa muchanan menos privilegia riba nos isla. Un di e actividadnan ey tabata e celebracion di fiesta di San Nicolas (Sinterklaas) riba dia 5 di december, caminda e damanan tabata bishita e cas di e muchanan aki pa hiba co'i hunga y regalo pa nan. Sin embargo mirando e condicion di e casnan, caminda hopi di e muchanan aki tabata biba, nan a dicidi di regala e muchanan paña pa bisti pa dianan di fiesta di Pasco y fin di aña enbes di duna nan cos hunga. Asina aki nos proyecto di Dress a Child a cuminsa y a bira e 'signature project' di nos club.

Di e forma aki Women's Club of Aruba (WCA) a finalisa su proyecto di fin di aña cu ta carga e nomber di Dress a Child. Pa e temporada di fin di aña presidente Lilian Martis, hunto cu e comision di

Dress a Child y otro miembronan a yuda bisti mas of menos 309 mucha di menos recurso pa nan por a pasa e temporada di fiesta feliz y contento. E proyecto a tuma luga di 4 pa 13 di december 2014 y e tiendanan cu a contribui na un forma special cu e proyecto aki ta Dowco Sta. Cruz, Super Shopping, La Moderna, La Linda NV, Aargee Fashion, Aargee Store y KeKe Mega Mart. Cada un di e negoshinan aki a contribui tambe cu donacion pa e muchanan y La Linda NV ta e negoshi cu a haci e donacion di mas grandi. Na final cada mucha a ricibi un treat chikito di Panaderia del Pueblo y Casa Haime. Riba peticion e comision a yuda bisti tambe algun alumno cu uniform



di scol. WCA ta gradici tur e negoshi- miembro- y amigonan cu di un forma of otro a contribui cu un donacion pa cu e bunita proyecto aki, tambe esnan cu a atende na nos proyecto di modelahe 'It's Raining Men IV', y a yuda nos pa asina e muchanan aki por a pasa un Pasco feliz. E satisfaccion di mas grandi ta e caranan alegre di e muchanan. WCA ta desea pueblo di Aruba un Bon

Aña 2015 y un dushi temporada di carnaval 61.

Miembronan di e comision di Dress a Child ta: Rubia Maduro (Chairman), Bernadette Schouten, Lilla Williams, Carmen Russel, Frances Mosconi, Benita Esguerra, Shailini Tromp, Marva Solagnier, Josefa Franca, Emperatriz Perdomo y Monique Palm.



Señor ta mi wardador, mi'n tin falta di nada,
den cunucu di yerba berde. E ta pone mi sosega.
E ta hiba mi na awa trankil, pa mi bolbe haya forza.
Salmo:23.1

Cu inmenso tristeza na nos curazon nos ta participa
fayecimento di:



Carline Pierre

Mi hor conoci como "Tica"
*22-10-1979 - †02-01-2015

Acto di Entiero lo wordo anuncia despues



The LORD is my rock and my fortress and my deliverer,
My GOD, my rock, in whom I take refuge,
My shield and the horn of my salvation, my stronghold
Psalm 18: 2

Verdrietig zijn wij om het toch nog plotselinge overlijden van
onze moeder, schoonmoeder, grootmoeder en overgrootmoeder



**Cornelia de
Mildt-Hoogstraten**

*2 juni 1924 - †14 januari 2015

In leven echtgenote van wijlen Cornelis de Mildt

Aruba Joke en Bert van der Horst
Kinderen en kleinkinderen
Florida Hans en Janice de Mildt
Kinderen en kleinkinderen

Gelegenheid tot condoleren op zaterdag 17 januari van 14:00
pm tot 15:30 pm, met aansluitend een overdenking tot 16:00
pm in Aurora Funeral Home te Cumana.
De begrafenis vindt daarna plaats op de Protestantse Begraaf-
plaats te Piedra Plat.

Grupo di Oracion Bida Nobo den Cristo ta reanuda nan oracion cu "Ceremonia di Luz"

GRUPO di Oracion "Bida Nobo den Cristo" ta reanuda

nan alabansa y oracion pa 2015
cu e bunita "Ceremonia di Luz",
dialuna 19 Januari proximo
na Misa San Juan Pablo II
na Tanki Leendert. Pa 6:45 lo
cuminsa cu santo rosario. E
anochi aki lo bay reflecciona
riba e gracia di Luz cu nos tur
por ricibi. Pesei ta invita tur
miembro- y no miembronan pa
e anochi particular aki pa bin
cu un bela blanco den glas pa e
momento culminante di e cer-
emonia aki. Bao di e ceremonia
por haci den silencio oracion na
e cruz, pone man riba bijel y
haci bo peticion, gradicimento
of promesa, entrega plannan of
proyectonan pa e aña aki. Corda
bin cu bijel catolico, material
pa nota y bela blanco den glas.
Ta recomenda pa bin bisti na
blanco. Lo anima e anochi
maravioso aki cu cantonan di
luz. Tur hende ta bonbini.



Gradicimento / Invitacion

Pa medio di esaki su esposa Sira y yuinan Alexandro, Gisella,
Nigel y famia kier a gradici tur esnan cu di un manera of otro a
mustra nan atencion y a duna nos sosten durante fayecimento y
entierio di nos defunto stima:



Alfonso Kelly
"Ale"


Gradicimento ta bay na tur esunnan cu a manda flor, krans y
yamadan. Na tur cu tabata presente na e momentonan
doloroso y difcil.

Nos ta invita pa compana nos na 1 santo sacrificio di misa cu lo
tuma lugar diasabra 17 januari 2015 na misa Sta. Filomena na
Paradera pa 7'or di anochi.

Boso presencia lo ta altamente aprecia



Find us on
Facebook



TIPO DI CAMBIO OFICIAL

Valido pa 16 Januari 2015

f'e 11or mainta

Placa Extranhero	Bank Papieren	Wisselen, Cheque Reis Cheque en Over Boeking	Benta na Publico
US Dollar	1.77	1.78	1.80
CAN Dollar	1.48	1.50	1.52
Engelse Pond Sterling	2.65	2.70	2.76
Zwitserse Frank per CHF. 100	202.74	203.46	204.26
Ned.Ant. Gulden per ANG. 100	98.00	100.00	biljetten 100.20 chg./overboeking 100.00
Japanse yen per JPY. 10.000	151.41	152.79	154.32
Euro per XEU. 100	206.64	208.53	210.62



Provision di Devisa 1.3%
Segun articulo 12 di Aftkondigingsblad
di Aruba 1991 nr.GT 32.
Banco Central di Aruba ta defini
e tipo di cambio oficial pa e
cambianan di placa extranhero.

BANCO DI CARIBE



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

"Laga tur kos ta spera mi ta bunita,
laga tur locual cu mi encontra na caminda ta bunita,
laga tur locual cumi laga atrás keda bunita y
laga esakinan termina den tur bunita".

Cu hopi tristeza pero conforme cu boluntad di Dios,
nos ta participa fayecimento di:

Rojohn R.R. Maduro

Mihor conoci como
"Picho, Gordo of Ton Ton"
*14-10-1991 - †14-01-2015



Na nomber di su

Mayornan: Robert (Beto) Maduro
Astrid van de L'isle

Rumannan: Romen Maduro & Chantal Cannegieter
Rochen Maduro & Jerson Maria
Siegmar Maduro & Gillianne Alders

Sobrino: Sigion Maduro

Welanan: Sra.vda. Otilia Maduro
†Sra. Carmen Leest

Welonan: †Sr. Mario "Mai" Maduro
†Sr. Valentino van de L'isle

Tantanen: Anna Maria & Oscar Kelly
Janine Maduro
Ita & Reynolds Kelly
Shahaira van de L'isle & Jorge Kelly

Omonan: Achmed van de L'isle & Annelies van Elderen
Maruis van de L'isle
Leo van de L'isle
Oscar van de L'isle & Milly Flores
Mario & Gwendoline Maduro
Johnny van de L'isle

Madrina & Padrino: Ita & Reynolds Kelly

Prima y primonan: Anabela, Byan, Valentino, Deyanira,
Nadiuska, Joree, Raymundt, Jaylee, Josenny, Andrew, Joally,
John, Mitchel, Joany, Jowen, Jean-Pierre, Landon, John-Jowell,
Rowena, Natasha, Chris, Janice, Cavin, Luzmary, Charlotte,
Roderick, Oscarlina, Oscar Ernesto, Moises, Juanita, Alimar,
Alisha, Russell.

Mihor amigo nan di cas: Gerbert, Bubu, Desmond, Jackson, Polly,
Nino, Jemond, Chicki, Pucho, Valde, Seymor, Jody, Akon.

Demas famia: Maduro, van de L'isle, Koolman, Leest, Cannegieter,
Maria, Alders, Kelly, van Elderen, Flores, Oduber, Arias, van Loon,
Valerio, Rodriquez, Cameron, Franken, Werleman, Tromp, Hassell,
Albertsz, Gomez, Henriquez, Croes, Nava, Angela, Dirks, Kock,
Rasmijn, van der Biezen, Semeleer, Persaud, Oehlers, Flanegin,
Coffie, Krozendijk, Marin, Quandus, Boekhoudt, Ras.

Ta invita pa asisti na e acto di entierro cu lo tuma lugar dialuna 19
januari 2015 pa 4 or di atardi na Aurora Funeral Home, despues
lo sali pa Santana St.Cruz. E restonan mortal di Rojohn lo ta
reposa for di 2'or di merdia na Aurora Funeral Home.

Tin oportunidad pa condolencia diasabra 17 y diadomingo 18 di
januari 2015 for 7'or pa 9'or di anochi na Aurora Funeral Home.

Nos ta pidi nos discupa si nos por a lubida algun famia y
conocinan den nos momento nan di nos tristeza. Defunto
tabata gusta color alegre, bisti na color alegre..

Despues di entierro nos no ta tuma bishita di condolencia na cas.

Grupo di oracion "Cristo, Union y Paz, ta invita henter e pueblo di Aruba



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

Señor ta mi wardador, mi'n tin falta di nada,
den cunucu di yerba berde. E ta pone mi sosega.
E ta hiba mi na awa tranquil, pa mi bolbe haya forza.
Salmo:23.1

Cu inmenso tristeza na nos curazon nos ta participa
fayecimento di:



Fanny Prince Marquez

*21-08-1941 †15-01-2015

Acto di entierro lo wordo anuncia despues.

GRUPO di Oracion
"Cristo, Union y Paz" kier a
participa y invita tur su miem-
bronan y henter e pueblo di
Aruba, cu nos ta habri nos
oracion, alabanza y adoracion
na nos Cristo Hesus atrobe pa
año 2015, diamars awor, 20 di
januari, na Club Don Bosco na
Noord, cuminsando pa 8'or di
anochi y lo sigui reuni ariba tur
diamars.

Ariba e anochi aki nos lo tin
como orador principal:

Pader Canisius for di Amster-
dam, Hulanda, kende lo bin
papia tocante nos Mama Maria,
E muhe di tur Pueblonan.

Despues di su charla, Pader
Canisius lo reparti articulonnan
enconecion cu su charla y
tambe di Mama Maria.

Laga nos tur bini hunto, den
un solo mente, alma y curason
y duna Señor nos Dios un ala-
bansa cu su so merece, y alavez
pidie pa e duna nos Su bendi-
cionnan pa nos por enfrenta e
año nobo aki yen di fe, confi-
ansa y speranza den dje.

Rumannan, Hesus ta warda
boso sin falta!



CENTRALE BANK VAN ARUBA

Hunta di Comisario, Gerencia y Personal di Banco Central di Aruba ta cumpli
cu e tristo deber di anuncia fayecimento di

Señor Francisco A. GOMEZ SEVINGER

Tata di señora Penélope Tromp-Gomez, General Manager na Banco Central di
Aruba.

Ta tuma condolencia diabierna 16 di januari 2015 na Aurora Funeral Home,
Cumana 76, di 7'or p.m. pa 9'or p.m.

Acto di entierro ta tuma lugar **diasabra 17 di januari 2015** pa 4'or di atardi na
misa Inmaculada Concepcion na Santa Cruz. E defunto ta reposa for di 2'or di
merdia den misa.


Nos ta extende nos mas sincero condolencia na señora Penélope Tromp-
Gomez y demas famia y ta desea nan hopi forza den e dianan dificil aki.

Cu señor Francisco Gomez Sevinger sosega na paz.

Haya bo corant tur dia den bo inbox



Registra Awo na
noticia@awemainta.com



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

Señor ta mi wardador, mi'n tin falta di nada
Den cunucu di yerba berde, e ta pone mi sosega.
E ta hiba mi na awa trankil, pa mi bolbe haya forza.
Salmo: 23.1

Cu Inmenso tristeza na nos curazon nos ta participa fayecimento di nos tata Stima:

Vincente Francisco Sherwood

Mihor conoci como: Franco
*15-04-1952 †13-01-2015



Na number di su yuinan:

Geraldo (Junny) & Jarcina Sherwood- Nava
Dwayne Sherwood
Joyce-Ann & Garribaldi Geerman- Sherwood
Francis Kock & Lisa Giel
Vincent & Nohely Sherwood- Kock
Sjonly, Vicente, Venizcio Sherwood

Nieta/ Nietonan:

Kalhija- D'Quan- Shawndrick- Jourdainne- Edrienne -Damien-
Itzair- Annemée- Ilaysha- Elnathan

Rumannan:

Carlyle & Seneida Rock
Catharina Rock in Sint Maarten
Paulina & Sye ter Wiel
Monica Sherwood in Sint Maarten
Theofilo & Jenny Sherwood
Sam & Patsie Jacobs

Ex casa:

Ana Kock
Sonali Maccow

Amigo nan di cas:

Buchi & Eloiza Koolman y famia
Michel Braaffhart
Gino Croes
Lee Croes
Bernhard Gumbs

Iha:

Joel Sherwood

Su sobrina y sobrinonan, primo y primanan, comer y comper-
nan, ihanan, suegro y suegranan, swa y cuñanan, tanta y
omonan, bisiñanan, amigo y amiganan

Demas famia:

Sherwood- Rock- Nava- Geerman- Kock- ter Wiel- Croes-
Maccow- Koolman- Thiel- Giel- Kelly- Jeronimus- Vaswani-
Richardson- James- Williams- Gumbs- Krozendijk- Flemming-
Sleur- Jacobs- Peters- York- Cannegieter- Clark- Withfield-
Hughes- Wilson- Curiel- Brown

Y Demas Famia na Aruba, Sint Maarten, Curacao & Hulanda

Ta invita pa asisiti na e acto di entierro cu lo tuma lugar diamars
20 di januari 2015 na misa Cristo Rey Brasil. E resto nan mortal
di nos tata stima Franco lo ta reposa for di 2- 4 pm na misa
Cristo Rey pa despues Sali pa Santana Catholico na Savaneta.

Adres pa condolencia: Aurora Funeral Home, dialuna 19 di
januari 2015 di 7- 9 pm di anochi.

Dispensa nos si den nos tristeza nos por a lubida un of mas
famia.


Nos ta lamenta cu despues di entierro nos no ta ricibi bishita di
condolencia na cas.



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

Señor ta mi wardador, mi'n tin falta di nada,
den cunucu di yerba berde. E ta pone mi sosega.
E ta hiba mi na awa trankil, pa mi bolbe haya forza.
Salmo: 23.1

Cu honda pena, pero conforme cu boluntad di Dios,
nos ta anuncia fayecimento di



Jose Francisco Semeleer

Mihor conoci como Djo
*30-10-1933 †12-1-2015

Na number di su:

Esposa: †Francisca Semeleer-Geerman

Yiunan: Rufino Semeleer y Naisla Perdomo (Hulanda)
Eric Semeleer y Nhora Nieto Vargas

(Hulanda)

Mayornan: †Thomas y †Inocentia Semeleer-Franken

Rumannan:

† Bernardino (Benny) Semeleer
† Eduardo (Wawa) Semeleer
Nicolasa Giel-Semeleer
Cornelia Tromp-Semeleer
† Adelbertus (Chobe) Semeleer
† Epifanio (Tommy) Semeleer
Catharina Morittu-Semeleer (Hulanda)
Anna Dijkhoff-Semeleer
† Theresita (Chita) Ridderstaat-Semeleer
Rosa Jünker-Semeleer (Alemania)

Swa y cuñanan:

† Rosa Semeleer-Trimon
† Fortunata Semeleer-Ruiz
† Benito Giel
† Hoze Tromp
Teresita Semeleer-Ruiz
Anna Semeleer-Alders
† Pasqualino Morittu
Alberto Dijkhoff
Andrecito Ridderstaat
Gerhard Jünker (Alemania)

Su ihanan, sobrino y sobrinanan, primo y primanan, comer y
compernan, su bon bisiñanan di Companashi y demas
famianan: Semeleer, Geerman, Franken, Navas, Trimon, Ruiz,
Giel, Tromp, Alders, Morittu, Dijkhoff, Ridderstaat, Jünker, van
Dinter, Flanegin, Croes, Wolff, Kelly, Figaroa, Boelhouters,
Molenbrugge, Bovens, Perdomo y Vargas.

Staf, personal y compañeronan di Thuiszorg Jaburibari y San
Pedro Paviljoen (Reseda) y ex-coleganan di Lago. Tambe na
Martina y Hans Vis-Wolff pa nan atencion.

Ta invita pa asisti na e acto di entierro cual lo tuma lugar
diabierna 16 januari 2015. E restonan mortal di Jose lo reposa
na Aurora Funeral Home for di 2'or pa 4'or PM, sigui pa un Santo
Sacrificio di Misa y despues lo sali pa Santana na Sabana Basora.

Adres di condolencia: Aurora Funeral Home, diahuebs 15 di
januari 2015 di 7'or pa 9'or PM.

Nos ta pidi disculpa si den nos tristeza nos por a lubida algun
famia.



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

"Pasobra si nos biba, ta pa Señor nos ta biba, of si nos muri, ta pa Señor nos ta muri; pesel, sea ku nos biba of ku nos muri, ta di Señor nos ta"
Romanonan 14:8

Cu inmenso tristeza, pero conforme boluntad di Dios, nos ta participa fayecimento inespera di nos esposo, tata, welo, ruman, y omo stima:

Francisco Antonio Gomez-Sevinger

Mihor conoci como: "Bubeys, Pachico, of Capitan"
*09-01-1951 - †10-01-2015



Na nomber di su:

Casa stima: Sylvia Gomez-Werleman
Yuinan: Penelope y Mark

Francis y Luenne
Giovanni y Nicole
Andrea

Nieto y nietanan: Meghan y Melanie
Jaden y Jayda
Gion

Yuinan di curazon: Carl, Eduardo, Sabina

Mayornan: †Francisco y †Clarita Gomez
Rumanan: †Filomena y Daniel v/d Linden y famia
Ronny y Haydee Gomez y famia
Danny y Cornelia Gomez y famia
Willy y Giselle Gomez y famia
Suzy y Nando Maduro y famia

Sobrino y sobrinanan: Danilo y Dangelo, Tamara y
Xiomara, Nannelia y Naima,
Gillianny y Giancarlo, Thaiza,
Kimberly y Jean Pierre

Suegro y suegra: †Apolonio y †Angelica Werleman
Swa y cuñanan: Maria y Leslie Kuiperi

Meto y Arlene Werleman y famia
Irena y Erwin Geerman y famia
†Tim Werleman
Jose Werleman y famia
Flip y Magdala Werleman y famia
Nic y Adiel Werleman y famia
Emile y Daphney Werleman y famia
Gina Werleman y famia

Consuegro (a) nan: Luis y Benita Tromp y famia,
Lem y Ludwina Pieters y famia
Eric y Filomena Ruiz y famia

Su omo y tantanan, primo y primanan, comer y compernan,
ihanan, amigo y amiganan, demás famia y conocirnan na Aruba,
Venezuela y Colombia, Astros Softball Team, y demás amigonan di
softball na Aruba, Curaçao, y Bonaire.

Demas famia: Gomez, Werleman, Sevinger, Tromp, Pieters, Ruiz,
v/d Linden, Salazar, Vrolijk, Caraballo, Maduro, Llanes, Arends,
Howell, Gonzalez, Kuiperi, Rosel, Geerman, Wever, Giraldo, Kock,
Quandt, Ridderstap, Hoek, Romero, Castro, Mileo de Severino,
Gourmeitty, Lopez.

Adres pa condolencia lo ta Aurora Funeral Home, Cumana 76,
Diabierna 16 di Januari 2015 di 7pm pa 9pm.

Acto di entierio lo tuma lugar Diasabra 17 di Januari 2015 pa 4'or
di atardi na Misa Inmaculada Concepcion na Santa Cruz. E
restonan mortal di nos defunto stima Francisco lo reposa for di
2'or di merdia na Misa Inmaculada Concepcion na Santa Cruz, y
después di misa lo hibe na su ultimo lugar di sosiego na santana
católico di Santa Cruz.

Famia ta pidi encarecidamente pa no manda flor of krans.
Después di entierio nos lo no por ricibi bishita di condolencia na
cas. Nos ta pidi nos disculpa si den nos tristesa nos por a lubida un
of otro famia.



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

Señor ta mi wardador, m'n tin falta di nada,
den cunucu di yerba berde. E ta pone mi sosega.
E ta hiba mi na awa trankil, pa mi bolbe haya forza.
Salmo:23.1

Gradecido na Dios Tata pa a duna nos un mama asina ehemplar
nos ta anuncia cu profundo tristeza fayecimento di:



Sra. Petra Chan-Tromp

Vuida di Sing Chan
*22 augustus 1930 - †14 januari 2015

Su yuinan: Rosita y Royce Baarh-Chan
Stella y Philippus Tromp-Chan
Sang Chan
Tack y Regina Chan-Barbosa
Johnny Chan

Su nietonan: Roycelyn Baarh
Roswin Baarh
Philbert Tromp na Hulanda
Stephanie Tromp na Hulanda
Jonathan Tromp na Hulanda
Tanique Chan

Su bisanietonan: Ryan, May-lyn, Benjamin na Hulanda

Su rumannan: †Nilo Tromp
†Emma Geerman-Tromp
Ramiro Tromp
Donald Tromp
Juan y Ina Tromp
†Ina Tromp
Ronald Tromp y Lourdes Figaroa
Candy Tromp
Teresita Tromp
Emelinda Tromp

Su sobrino y sobrinanan: Alvaro Tromp na Hulanda
Cesario Tromp
Anthony Geerman y famia
Sergio Tromp
Yvonne Fouchard-Tromp y famia na USA
Sandra Vrolijk-Tromp y famia na USA

Lucila Croes, Tico Angela, Maryorie Fernandes, Danrick Sint
Jago, Consuela Cameron, Marylane Hunt
Su primo y primanan, su ihanan y demas famia: Chan, Tromp,
Baarh, Barbosa, Geerman, Weller, Bareño, Croeze, Wolff, Croes,
Sint Jago.

Ta invita pa acto di entierio cu lo tuma lugar diabierna 16 di
januari 2015 di 2'or pa 4'or di atardi na misa Inmaculada
Concepcion na Sta. Cruz. E restonan di mortal di Petra lo ta
resposa for di 2'or den misa. Después lo sali pa Santana Sta.
Maria na Sta Cruz.

Oportunidad pa condolencia lo ta diahuebs 15 januari 2015 for
di 7'or pa 9'or di anochi na Aurora Funeral Home.

Nos ta pidi nos disculpa cu nos no por ricibi bishita di condolen-
cia na cas.

Servicio pa Comunidad



Emergencia

Brandweer:	911
Polis:	100
Polis Oranjestad:	102
Polis San Nicolas:	104
Polis Santa Cruz:	105
Polis Shaba:	107
Polis TipLine:	11141

Ambulance San Nicolas:	584-5050
Ambulance Sasaki:	582-5573
Ambulance Wayaca:	582-1234

Hospital:	527-4000
Centro Medico San Nicolas:	524-8833
SVB (AO-Ziekmelding):	527-2782

Botica na warda

Pabou di Brug: Kibrahacha N.V.

Pariba di Brug: San Lucas N.V.

Dokter na warda

Pabou di Brug:

Pariba di Brug: Every

Servicionan

ELMAR Storingdienst:	523-7127
SETAR Storingdienst:	117
Digicel:	145
WEB Storingdienst:	525-4600
Reina Beatrix Int'l Airport:	524-2424
Serlimar:	584-5080
Arugas:	585-1198
Guarda Costa:	913

Funeraria

AD Patres:	5842299
Aurora:	5886699
The Olive Tree:	5820000

Fundacion

Rode Kruis Aruba	582-2219
FADA:	583-2999
Fundacion Respeta Mi:	582-4433
Fundacion Guia Mi:	587-1677
Muhe den Dificultad:	583-5400
Telefon pa Hubentud:	131
Centro Kibrahacha:	588-3131
Stichting Bloedbank:	587-0002
Mary Joan Foundation:	588-9999
Koningin Wilhelmina Fonds:	582-0412

Cas Editorial



The Media Group

Magrietstraat #3
Oranjestad, Aruba
Tel: 583-1400 fax: 583-1444

Orario oficina:

Dialuna pa diabierna
8am - 5pm

Cuenta di banco:

CMB #22982600

E-mail

Redaccion: noticia@awemainta.com
Aviso: aviso@awemainta.com

Abonament: Afl 25,- pa luna

Director:

Victor "Toko" Winklaar
Victor R. Winklaar

Delegacion di InselAir Aruba

A haya un recepcion caluroso na Manaus

DESPUES cu Minister di Turismo y Comunicacion, Otmar Oduber tabata na Aeropuerto Reina Beatrix pa personalmente felicita y desea e delegacion di InselAir Aruba riba nan buelo inaugural pa Manaus, Brazil, mester bisa cu e recepcion no por tabata otro. Un recepcion masha caluroso mes, tur esnan riba e prome buelo aki a recibi na Aeropuerto di Manaus. E buelo tabatin como Capitan Jhunes Sebelon y Co-piloto Simon Claassen, kendenan a percura pa un buelo masha smooth, unda abordo tabatin varios invitado di Corsou y Bonaire. E buelo mes tin un duracion di 3 ora.

Unabes cu avion a baha na Manaus, e avion di InselAir a haya e tradicional baño di awa como bendicion. Na Manaus, e delegacion di Aruba a ser recibi pa Arthur Virgilio Neto, kende ta Alcalde di Manaus, kende a bin pa representa Gobernador di Manaus.

Arthur Virgilio Neto ta masha contento cu e conexon aki a ser haci atrobe, pasobra den pasado, tempo di Air Aruba, e tabata un conexon masha fructifero.

CEO Frederik Nuboe a haya un abraso hopi fuerte na su yegada na Aeropuerto di Manaus for di e Alcalde. Hopi prensa tambe tabata presente pa duna cobertura y nan a acerca e Alcalde mesora pa haya su comentario riba e ocasion special aki.

Manaus ta habriendo hopi porta. Durante su entrevista e Alcalde a splica cu Insel na estado Manaus ta un partner importante. Nan tambe ta

un atraccion cu ta mik hopi riba turista y mester completa esaki habriendo nan curazon y nan brasanan pa tur hende cu kier bishita nan segun Arthur Virgilio Neto.

Luis Fernando del Valle representante di Insel Air na Brasil a splica cu e prome buelo tabata un sorpresa grandi y pa nan ta un placer di por traha cu Insel Air. Nan meta ta tambe pa haci efectivo e soño di bula pa Manaus, dos biaha pa siman, cu tin un tarifa di introduccion di 250 dolar ida y buelta.

Sin duda pa Insel Air esaki ta bira un apertura pa un mercado grandi, segun Luis Fernando del Valle.

Tambe tabata presente, sr. Han Peters, kende ta Embahador di Reino Hulandes pa Brasilia. El a splica cu ta importante pa tey n'e ocasion caminda Aruba y Manaus ta lansa un buelo directo. Esaki ta algo bon pa ambos pais, pasobra tur dos tin un specialidad den cierto tipo di turismo.

E ta spera cu Aruba y otro paisnan den e area por beneficia di e buelonan aki. Despues a sigui cortamento di sinta y e presentenan por a haya sa kico Manaus tin pa presenta como parti di nan cultura.

Manera Tita Iglesias, Marketing Manager a duna di conoce: "E ta algo hopi great y a spera precisamente esaki. Tabata un super warm welcome. Loke a sosode ta netamente loke Insel Air merece sigur. E ruta manera esun di Aruba cu Manaus ta uno importante pa Caribe y esaki tambe Insel Air merece".

